

مشتاقنامه

محل مطبعه و اداره :

جفال اوغلانده امنيت
صندوغی جوارنده
شنکول يقوشنده
۲۲ نومرو

اضطار :

مسلكمزه موافق آثار
جدیده مع الممنونیه
قبول اولنور

درج ایدلمه یین آثار اعاده اولنماز

دینه ، فلسفه ، علوم ، حقوق ، ادبیات تاریخ ، سیاست ، احوال و مشوره اسلامیه بحث ایدر و هفته ده بر نشر اولنور .

صاحب و مؤسساری :

ابوالعلا زین العابدین - ح . اشرف ادیب
تاریخ تأسیسی

۱۰ تموز ۳۲۴

در سعادتده نسخہ سی ۵۰ پاره در

قیرله دن مقوا بورو ایله کوندربلیرسه سنوی

۲۰ غروش فضله آلنیر

آیونه بدلی

سنه لکی

ممالک عثمانیه ایچون	۶۵	۳۵	غروش
روسیه	۶۰	۳۰	روبله
سائر ممالک اجنبیه	۱۷	۹	فرانق

آلتنجی جلد

۱۴ ربیع الاول پنجشنبه ۳ مار ۳۲۶

عدد : ۱۳۶

ارلان خسته زوجه‌ها، رفاقت ایتک اوزره استانبوله کلوب کیتمش ایدی .

شباطک ۱۲ نجی کیجه سی ، اورنبورغده چیقوب روسیه مسلمانلری آره‌سنده ان چوق منتشر اولان « وقت » جریده‌سنک سر محرری فاتح کریمی و محررلرندن برهان شرف و عبدالرحمن فخرالدین افندیلرک خانه‌لرده بش آلتی ساعت تحریرات اجرا ایدیلوب کاغده متعلق نه وارسه جهله سی طوپولانوب آلندی . فاتح افندی ، روسیه مسلمانلرینک الیوم ان کسکین قلملی محررین سیاسی‌سندندر . ریاست تحریری سی آلتنده بولونان « وقت » عالم اسلامک ، ان فائده‌لی جرائدندن بریدر . فاتح افندی مکتب ملکیه‌ده تحصیل ایتشدی .

عین کیجه‌ده « شورا » مجله اسلامی‌سینک مدیر و سر محرری فضلالی عصردن قاضی رضاءالدین ابن فخرالدین حضرتلرینک بیت‌المساعیده دخی تعرض اولنهرق ، صرف علوم و حکمیات ایله مشغول مشار الیهک آثار و اوراقی‌ده مصادره ایدیلدی .

ینه بو صره‌لرده « یلان کول » قریه‌سی امامی زکی جان افندی‌نک خانه‌سنده تحریرات اجرا اولندی . مصر تاتار طلبه جمعیتک اعانه دفتری بولندیغندن دولای بوکوله شهرینه کوتوریلوب حبس ایدلدی بیردکده معلم اسحاق افندی‌نک و بوبی جوارنده کائن ایکی قریه‌نک امامی افندی‌نک خانه‌لری تحریر اولنوب هر اوچی توقیف ایدیلدی . شباطک ون دردنجی کیجه‌سی قرانک مدرسه منصوریه‌سینه پولیس کلهرک تحریراتده بولوندی .

یرنده راحت ا

صالی کونکی طنینده شو سطرلری کمال استغراب ایله او قودوق

روئللو

مالیه نظارتی قلم مخصوص مدیری نسیم روسو افندی‌نک لطفی فکری یک طرفندن مجلس مبعوثانده کندی علیهمده وقوع بولان تجاوزات محترانه‌دن دولای دوئللو ایتک اوزره درسم مبعوثه شاهدلری کوندردیکی مستخبردر . حمدالله سلطنت اسلامیة عثمانیه‌ده دوئللو دینان عادت وحشیة غریبه بوکونه قدر کورولمش ، ایشیدیلمش بر جنت دکدر . غریبه‌کی رقی افکار ایله آرزوق آشنا اولانلر بیلورلرکه افکار منوره احبابنک جهله سی بو فضیحه مجنونانه‌نک تماماً علیهمده‌در . و بونکچون حکومت مدینه‌دن بر قسمی ، قرون وسطادن قالد بو منجوس کوره‌نک محکم بر عادت اولمه‌سینه رغماً ، دوئللوی منع ایدر قوانین وضع ایتشدردر . صانکه کندی فنا کوره‌نک کفایت ایتیورمش کبی ، بر قاج عصر اول جناح شفقت و مرحمت‌زه صیغیمش بر طاقم ملتجیلرک احفادی طرفندن ، جمعیت‌زه بو قانی جنتک‌ده ادخالی ایسته‌یلدیکنی « طنین » ک یوقاریده مندرج خبرندن ا کلاپورز .

بز مسلمانلر ، غریک شدائد ظالمانه‌سندن و بالخاصه اسپانیا انکیزیسیونلرندن قاچان بر طاقم زوالیلری مملکت‌زه قبول ایتدک

سلطان مرحومک شیخ سنوسی حضرتلریله مناسبات دائمه‌ده بولونسی و اکثر توابعنک اخوان سنوسی‌دن اولسی در . حکومت جمهوری به حرکت شدیدسیله آفریقاده مطالع انوار اسلامی‌دن ان مهمی اولان طریقت علیه سنوسییه برضربه شدیدیه ایندیرمک ایسته‌مشدر . لکن (یریدون ان یطفوا نورالله بافواهم و یابی الله الا ان یم نوره ولو کرم الکافرون .)

روسیه‌ده تضییقات

اولکی هفته منتشر « صراط مستقیم » ده قران علمای مشهوره‌سندن داملا عالم جان و داملا عبدالله حضرتنک خانه‌لری تحریر ایدلدیکنی کتاب و اوراقلری مصادره اولندی و بوبی مدرسه‌سنک قیادلدیغنی یازمشدق . بو ایکی هفته ظرفنده کلن روسیه مسلمان غزتلرینک یازدیغنی خبرلر تضییقه‌نک . شیمدی‌یه اندر کورولمه‌دک بر درجه‌ده کسب شدت ایلادیکنی بیلدیریور . تضییقاتک تجلیات مادی‌سنی صایم‌دن اول . اسبابی حقنده شایع اولمش بر روایت غریبه‌نی نقل ایدلم : روسیه‌نک شرقنده ، وولغانهری حوضه‌سنده ساکن اولان اهل اسلام آره‌سنده ، بوندن درتیوز سنه اول روسیه طرفندن حیانه خاتمه چکلمش اولان قران خانلرک احیاسی قصیدیه کویا بر جمعیت تأسس ایتمش ! و بو جمعیتک مؤسسری ، ممالک اسلامیة ایله و علی‌الخصوص دارالخلافه مسلمانلری ایله مناسبتده بولنیورلرمش ! بوتون بر افسانه‌لر ، بر ایکی شائنازجی طرفندن روس حکومت‌ده خبر و یرلشمش ایتمش : حکومت‌ده اینانه‌رق و یاخود اینانیر کبی کورینه‌رک ، بر سوری تحریرات ، مصادرات و توقیفاته لزوم کورمش ایتمش .

اسباب نه اولورسه اولسون نتایج بوجه آتیدر :

۳۱ کانون ثانیده بوبی مدرسه‌سنک مدیرلری عبدالله و عبدالله افندیلر حضرتاتی توقیف ایدیلر . عین کونده مدرسه‌نک بوتون معلملرینک اولری تحریر و کندیلری توقیف اولندی .

۶ شباطده تونز مدرسه‌سی مدیر و مدرس ، مشایخ مشهوره‌دن علی ایشان حضرتلرینک مخدومی نجیب افندی حضرتلری توقیف اولندی . ۵ و ۶ شباط قران شهرینک مسلمان کتابچی دکاترینک جهله‌سنده پولیس طرفندن تحریرات اجرا ایدیلوب ، « بیک‌بر حدیث شریف » ترجمه‌لری (مصر و قران طبعی) حتی متلری مصادره اولندی . شباطک ۱۱ نجی کیجه‌سی ، ترویسکی شهرنده روسیه مسلمانلرینک فعال خادم‌لرندن عبدالرحمن افندی احرفک خانه‌سنده تحریرات اجرا و اوراقی مصادره ایدیلدی .

عین کیجه‌ده اوفا شهرنده ، مجلس مبعوثان اعضای سابقه‌سندن و قرغز - قازاق خان زاده‌لرندن حمیت ملیه و دینی‌سی ایله معروف سلطان سید کرای جان توره حضرتلرینک قوناقلرنده تحریرات اجرا اولنوب اوراقی مصادره ایدیلدی . مشار الیه حضرتلری درت ، بش آی اول ، بر آی تبدیل هوا ، قیشی استانبوله کچیره‌جک